



রাজ্যসভায় পুষ্টি পুনর্বাসন কেন্দ্র সমূহে ভর্তি হওয়া শিশুর পরিসংখ্যান দেশের ২৫টি রাজ্য বা কেন্দ্রশাসিত অঞ্চলে ৯৬৬টি পুষ্টি পুনর্বাসন কেন্দ্র এন.আর.সি. রয়েছে

Posted On: 12 APR 2017 11:42AM by PIB Kolkata

দেশের ২৫টি রাজ্য বা কেন্দ্রশাসিত অঞ্চলে ৯৬৬টি পুষ্টি পুনর্বাসন কেন্দ্র এন.আর.সি. রয়েছে। আনুমানিক ৯৩.৪ লক্ষ শিশুকে অতিমাত্রায় অপুষ্টির শিকার বলে চতুর্থ জাতীয় পরিবারিক স্বাস্থ্য সমীক্ষাতে (এন.এফ.এইচ.এস.) উল্লেখ করা হয়েছে। এছাড়া এর মধ্যে ১০ শতাংশ শিশু জটিল চিকিৎসাগত সমস্যার কারণে এন.আর.সি.তে অবিলম্বে ভর্তি করানো প্রয়োজন বলেও উল্লেখ রয়েছে। ২০১৬-১৭ বছরে প্রায় ১ লক্ষ ৭২ হাজার ৯০৯ জন শিশুকে এন.সি.আর.তে নাম নথিভুক্ত করানো হয়েছে। মঙ্গলবার রাজ্যসভায় এক প্রশ্নের লিখিত জবাবে কেন্দ্রীয় স্বাস্থ্য ও পরিবার কল্যাণ প্রতিমন্ত্রী শ্রী ফণন সিংহ কুলস্তে এই তথ্য দিয়ে এ ব্যাপারে সুনির্দিষ্ট পরিসংখ্যান তুলে ধরেন। পরিসংখ্যান অনুযায়ী সর্বাধিক মধ্যপ্রদেশের ৩১৫টি এন.আর.সি.তে ৭৯৫২৭ জন শিশুকে ভর্তি করানো হয়। এই তালিকায় দ্বিতীয় স্থানে গুজরাট। সেখানকার ১২৪টি কেন্দ্রে ১৫৫১১ জন শিশুকে ভর্তি করানো হয়। এর পরেই রয়েছে ছত্তিসগড়। সেখানে ১১৭৮৯ জন শিশুকে ৬২টি এন.আর.সি.তে ভর্তি করানো হয়েছে। এই তালিকা অনুযায়ী সবচেয়ে কম উত্তর-পূর্বের অরুণাচল প্রদেশে ১ টি কেন্দ্রে ৬ জন শিশুকে এবং দাদরা ও নগর হভেলির ৩০ জন শিশুকে ১টি এন.আর.সি.তে ভর্তি করানো হয়। এই পরিসংখ্যানে পশ্চিমবঙ্গের ৩৫টি কেন্দ্রে ভর্তি করানো হয় ৪৩৭৫ জন মারাত্মক অপুষ্টির শিকার শিশুকে। উত্তর পূর্বের অন্য রাজ্যগুলির মধ্যে আসামে ১৫টি কেন্দ্রে ১১০৯ জন শিশু এবং মেঘালয়ে ৫টি কেন্দ্রে ২৭০ জন শিশুকে ভর্তি করানো হয় বলে উল্লেখ রয়েছে। সংশ্লিষ্ট এন.আর.সি.গুলিতে মারাত্মক অপুষ্টি সমস্যায় আক্রান্ত শিশুদের ভর্তি করিয়ে স্বাস্থ্য পরীক্ষা ও প্রয়োজনীয় চিকিৎসা প্রদানের পাশাপাশি ২৪ ঘণ্টা পরিষেবা ও যন্ত্র নজরদারি বজায় রাখা হয়। নিয়ম করে খাওয়ানো, স্নেহে যত্ন ও উজ্জীবিত করার মত ব্যবস্থাপনা সেগুলিতে প্রদান করা হয়ে থাকে বলেও শ্রী কুলস্তে জানান। এই পরিসংখ্যা নেই ভর্তি হওয়া শিশুদের মধ্যে ৯২৭৬০ জন শিশু সুস্থ স্বাভাবিকভাবে বাড়ি ফিরেছে বলেও স্বাস্থ্য ও পরিবার কল্যাণ প্রতিমন্ত্রীর জবাবে জানা গেছে।

(Release ID: 1487771) Visitor Counter : 3

Background release reference

১০ শতাংশ শিশু জটিল চিকিৎসাগত সমস্যার কারণে এন.আর.সি.তে অবিলম্বে ভর্তি করানো প্রয়োজন বলেও উল্লেখ রয়েছে।

